

Fundacion Herencia Historico di Aruba cu presentacion di documental den luna di Maart

ORANJESTAD – Recientemente Fundacion Herencia Historico di Aruba a presenta su di 4 documental titula Awa: unda tin bida tin awa. E produccion tabata den man di Smaller World Bigger Eyes. E presentacion di e documental tabata pa tur esnan cu a coopera cu e proyecto riba un atardi exclusivo. E documental ta muestra con nos antepasadonan a bin na awa pa bebe, cushina, uzo domestico y kico tur a keda ainda como herencia historico awendia, manera pos y rembak, cu nos por considera patri-

monionan di Aruba. Awa pa medio di pipa (tubo) ta un comodidad ‘moderno’ y hopi di nos ta considera ‘normal’. Pero e prome habitantenan di Aruba y tur esnan cu a bin despues tabata depende di awasero y fuentenan natural pa haya awa. Tabata haci uzo di fuentenan natural, di pos, tanki, dam y despues rembak pa colecta awa. Tempo di segura tabatin un problema grandi aki na Aruba cu a haci cu hopi cunukero, criado di bestia y piscado mester a sali pa bay traha den exterior.

Fundacion Herencia Historico a logra realisa e proyecto aki cu yudansa financiero di Unoca, Prins Bernhard Cultuurfonds Caraibisch Gebied, Cede Aruba y WEB NV.

Biblioteca Nacional Aruba y Archivo Nacional Aruba tambe a duna nan contribucion y a ricibi un ehemplar di e DVD “Awa: unda tin bida tin awa”. Presentacion pa publico lo ta den luna di Maart venidero na e.o. Museo Historico y na San Nicolas, pa cua lo sali un invitacion den prensa. □